



Mandelatarrak eta Gonzalez. EFE

Mandelak zigorrei eusteko eskatu dio Gonzalezi

MADRIL

Nelson Mandela buruzagi beltz hegoafrikarrak Hego Afrikaren kontrako zigorrei eusteko eskatu zion atzo Espainiako Gobernuak lehendakariari, Felipe Gonzalezi. Lau egunerako Espainiara joan eta gero, gaur amaiatuko da Afrikar Kongresu Nazionalako (ANC) liderraren bisita.

Europako Komunitatearen (EK) barnean zigorrei eusteko presioa egiteko eskatu zion Mandelak Gonzalezi atzo Mandrilan izan zuten elkarrizketan. Laguntza eskatu zion buruzagi beltzak, «eta ez bakarrik morala», Hego Afrikako erreforma prozesua bultzatzeko eta benetan burutzeko. Preso politikoen eta exiliatuen egoera konpongabea aipatu zuen prezeski Mandelak. ANCKo buruzagiak esan zuenez, «oso harreman emankorrak» izan ditu Madrilan.

Felipe Gonzalezek zigorrei eusteko presioei buruz ez zuen ezer esan, baina egoera normaltzeko Hego Afrikan asko falta dela adierazi zuen, Mandelarekin ados. «Oraindik ez da demokrazia osoa ezarri, gizaki bat boto bat printzipioa», esan zuen Gonzalezek, Gobernuak iturrien arabera. Francisco Fernandez Ordoñez Atzerri ministroak komentatu zuenez, Hego Afrikaren kontrako zigor ekonomikoak aldatzeko asmorik ez du oraingo Gobernuak. Hala ere, EKk joan den abendutik indarrak gabe utzi zuen mineral gaien buruzko blokeoa.

Gaur doctor honoris causa izendatu dute Nelson Mandela Sevillan eta Madrilko unibertsitateak.



PASAIKO UDALA

Udal Plenoak apirilaren 29an egindako bilera «estalkipeko edo hegalkinarene gaineko eraikuntzen udal ordenantza osatuko dituen Ordenantza Osagarriak» onartu zituen, jendaurrean azaltzen dira Gipuzkoako Aldizkari Ofizialean argitaratzen denetik hilabeteko epean, eta aldi horretan egoki eriztitako erreklamazioak aurkeztu ahal izango dira Udaletxeko Idazkaritzan.

Pasaia, 1991ko ekainaren 5a
ALKATEA

Soldadutza legeak, kritikez gain, zailtasun praktiko handiak dauzka

Norberak aukeratutako soldadutza gutxi batzuek egin ahal izango dute

Soldadutzarako lege proiektu berriak jaso dituen kritika gogorrez gain, benetan aplikatzeko zailtasun praktiko handiak ere badituela agerian jarri du, nahiz eta Gobernuak datorren urteko urtarrean aplikatzen hastea nahi duen. Defentsa ministro espainolak detaile gehiago eman zituen atzo prentsaurreko batean, baina hainbat puntu airean utzi ditu.

DONOSTIA

Espainiako Gobernuak eraturako soldadutzarako lege proiektuak iragarritako «abantailak» bat, norberak aukeratzeko non eta noiz egin nahi duen soldadutza, oso modu murritzuan izango da posible. Bederatzi hilabeteko soldadutza egin beharko dute 1992tik aurrera Espainiako gazteek, lege berria aplikatuko denez, baina bakarrik gazteen % 13k ahal izango du aukeratu nora, noiz eta zertara joan, legeak teorikoki agintzen duen bezala.

Julian Garcia Vargas Defentsa ministroak adierazi zuenez, azaroan 26.775 postu eskainiko ditu Defentsa Ministeritzak soldadutza aukeren bidez egiteko 1992rako. Beraz datorren urtean soldadutza egin behar dutenek, postu horien artean aukeratu ahal izango dute. Hala ere, postuok ez dute betetzen soldadutza egin behar dutenen % 13 baino. Ministroak ez zuen argitu aukeraketa prozesua nola izango den, eta galdera asko airean geratu dira.

Izan ere, zozketa sistema ez desagertzean, zozketatu ere egin beharko dituzte gazteak, eta hori ere azaroan gertatu ohi da. Baina eskainitako postuak ere azaroan egingo direnez publiko, ez dago batere argi nor aukeratu ahal izango duen eta

Mitterrand-Kohl bilera: Europako etorkizuneko mapa eztabaidagai

LUIS FERNANDEZ / DONOSTIA

François Mitterrand Frantziako lehendakariak eta Helmut Kohl Alemaniako gobernuburuak bilera garrantzitsua daukate gaur Alemanian, Bavariako Alpeetako Bad Wiessee herrian. Joan zen ekainaren 25ean bildu ziren azkeneko Kohl eta Mitterrand, Parisen orduko hartan, baina geroztik eztanda egin duen Jugoslavia krisiaren panorama politiko europarra astindu duenez, «ezinbestekoa» bilakatu da mini-gailur berri hori. Batez ere, Frantzia eta Alemaniaren jarrerak kontrajarrak izan direlako gai horren inguruan.

Printzipioz, Mitterrand eta Kohl Londresen ziren biltzekoak joan den astean, baina «ez zuten astirik izan». Jugoslaviako krisiaz gain, Europako Batasun Politikoaren prozesua ere aztergai izango dute, eta baita hain polemikoak ez diren beste gai batzuk

ere: adibidez, Soviet Batasunari lagundu egin behar zaiolakoan bat datoz bi mandataria.

Jugoslaviari buruz, ordea, jarrera kontrajarrak mesfidantza ere sortu dute bi estatuen artean. Alemaniak begi onez ikusiko luke Eslovenia eta Kroaziaren independentzia, hurbiltasun geografiko, ideologiko eta historikoak kontutan harturik. Mitterrandentzat, ordea, mugak aldatzea Europarentzako «arriskua» da.

Parisen komentatu izan denez, Alemaniak «aldi teutoniko» berria ireki nahi du Europan, ekonomikoki eta politikoki kontrolatutako estatu txiki berriei, aspaldiko garai historikoak gogoratuz. Alemanian hori gezurra dela diote, eta Frantzia beldur dela barnean nazio arazo istilutsuak dituelako; Euskal Herria eta Kortsika, adibidez. Seguraski bai Pariseko zein Bonnekoko analisek badute arrazoirik.



Polizia bihurtu soldadutza ez egiteko? Galde intsumisoei. JOSE SIMAL

✓ CDSk Konstituzioaren aurkako errekurtsua aurkeztuko du, soldadutza egin izateak kontratu publikotarako duen lehentasuna diskriminatzailea dela salatzeko

nor zozkatuko duten. Gainera, postu aukeraketak prozedura luze samarra eskatzen du halaberharrez: eskaintza baino eskaera handiagoa izanez gero, preferentziak, espedienteak eta egoera pertsonalak baloratuko ditu Defentsak «hautatutako» soldadutza plaza eskaintzeko. Prozesua azaroan hasiz gero, zaila dirudi 1992ko lehen soldadutza txandetan aplikatu ahal izatea Vargas proiektua.

Garcia Vargasek ez zuen atzo zailtasun praktiko hauei buruzko zehaztapenik eskaini. Administrazio publikoan kontratua lortzeko soldadutza egin izana lehentasuna izango dela baietsi zuen Garcia Vargasek, baina ez zuen detaile handirik eskaini. Puntu polemiko honek Konstituzioaren aurkako izan ote daitekeen

zailtza handiak sortzen ditu lege proiektu berriari buruz. Inkonstituzionalitate eskaerak idazten ari dira jada: CDS alderdiak bat aurkeztuko duela iragarri du. Julio Anguita IUko liderrak atzo esan zuenez, lege berria «munstroa» da puntu horrengatik, eta giza eskubideen aurkakoa da.

Ministroaren arabera, lehentasuna izango dute kontratu publikoa lortzeko soldadutza edo Ordezko Zerbitzu Soziala (OZS) egin izatea, baina ez horiek bakarrik, baita ere legalki soldadutza egin gabe dutenak. Azken puntu horrek preferentzi sistemaren «itxiera» konpontzen du nolabait, baina zailtza praktiko eta legalak airean daude. Emakumezkoekin zer gertatuko den ere ez dago argi sistema horrekin.

POLIZIA BIHURTU LIBRATZEKO

Lege berriaren beste detaile batzuk eman zituen ordea ministroak. Ordezko Zerbitzua 18 hiletik 13ra gutxituko da, eta Zerbitzu horretarako izango dira gaur egun Gurutze Gorriak eskaintzen dituen soldadutza postu guztiak. Aurrerantz, beraz, ezin izango du inork soldadutza bolondres bezala Gurutze Gorrian egin.

Bestetik, soldadutza ez egiteko beste bide bat iragarri zuen atzo Julian Garcia Vargasek: Polizia Nazionalen sartzea bost urterako kontratuarekin. Jakina, ez dirudi bide honek gaur egunean soldadutzaren aurka daudenak erakarriko dituenik.

Gaur egungo bolondres «bereziak» desagertuko dira. Bolondres joanez gero, soldadu profesional gisa eta urte batzuetarako kontratuaz joan beharko dira gazteak. Defentsa Ministeritzaren asmoa Espainiako Armada erdia profesional bihurtzea da. Orain arte 28 urtetik gorakoek zuten beste abantaila bat, sei hileko soldadutza egitea, desagertuko da. Aurrerantz, bederatzi hilabete, besteak bezala.

LABURREAN

PARISEKO 53 familia eremu publiko bat okupatzen

Pariseko 13. auzoko etxebizitza batetarik kanporatuak izan diren 53 familiak 'Quai de la Gare' auzoko lur eremu okupatu dute 10 egunez. Lur eremu honen ondoan Pariseko herriak liburutegia eraikitzeko du. Atzo aeratsean auzitegi administratiboak erabakia hartzeko zuelarik jende hauek hortik haizatu ala ez. Familiak fermuki aitortu dute hortik haizatuak badira beste eremu bat okupatuko dutela.

KORTSIKAR talde baten atentatua Paris erdian

«R» hizkia zekarren paper batzu aurkitua izan zirela atentatu bat jasan zuen Pariseko merkatal auzitegiaren aitzinean. «R» sinadura egiaztatu balin bada, atentatu hau Kortsika Rezistentza talde armatuaren gain jarri behar liteke. Egoitza honek kalte txiki batzuk bakarrik zituen eragin igande gaueko hamarretan gertatu zen leherketaren ondorioz. Zartagailua ate aitzinean ezarria izan zen.

SOLTXAGAK ez du itxaropenik Konpetibitate Paktuan

Konpetibitate Paktua burutzeko itxaropenik handirik ez du jadanik Carlos Soltxagak, Espainiako Ekonomia ministroak. Atzo adierazi zuenez, oso zaila izango da pakto hori irailean sinatzea. Sindikatuek Gobernuaren politika itxia ikusita negoziazioak hautsi zituzten, baina «ateak zabalik dituzte mahairako oraindik», komentatu zuen atzo Soltxagak. Ministroaren arabera, paktuaren negoziazioa haustea ez da «horren larria».

VALENCIAKO kostaldean marea beltz biologikoa

Valenciako ondartzetan marea beltz berezi eta kezkarri bat agertu denez geroztik, itsasoan bainatzea debekatu egin dute badaezpada. Marea beltza ez du petrolioak eragin, alda mordo baten deskonposizio prozesuak baizik. Kostaldeko zortzi kilometro estali ditu alga mantxak, eta agintarien arabera toxikoak ez diren arren, ez da komeni bainua, begietan gorridurak gertatu baitaitezke. Agintarien arabera, faktore naturalak dira algen marea beltz hau eragin dutenak.